

JOGGELI

Joggeli sött go Bireli schüttle
d'Bireli wei nit falle.

Da schickt d'r Meister 's Hündli us,
's soll d'r Joggeli bisse.
d'Joggeli wott nid Bireli schüttle,
d'Bireli wend nit falle.

Da schickt d'r Meister 's Bengeli us,
's soll das Hündli prügge :
Bengeli wott nit Hündli prügge,
Hündli wott nit Joggeli bisse,
Joggeli wott nit Bireli schüttle,
d'Bireli wend nit falle.

Da schickt d'r Meister 's Fürli us
's soll das Bengeli brenne :
Fürli wott nit Bengeli brenne,
Bengeli wott nit Hündli prügge,
Hündli wott nit Joggeli bisse,
Joggeli wott nit Bireli schüttle,
d'Bireli wend nit falle.

Da schickt d'r Meister 's Wasserli us,
's soll das Fürli lösche :
Wasserli wott nit Fürli lösche,
Fürli wott nit Bengeli brenne,
Bengeli wott nit Hündli prügge,
Hündli wott nit Joggeli bisse,
Joggeli wott nit Bireli schüttle,
d'Bireli wend nit falle.

Da schickt d'r Meister 's Chälbli us,
's soll das Wasserli trinke :
Chälbli wott nit Wasserli trinke,
Wasserli wott nit Fürli lösche,
Fürli wott nit Bengeli brenne,
Bengeli wott nit Hündli prügge,
Hündli wott nit Joggeli bisse,
Joggeli wott nit Bireli schüttle,
d'Bireli wend nit falle.

Da schickt d'r Herr de Metzger us,
Er soll das Chälbli steche :
Metzger wott nit Chälbli steche,
Chälbli wott nit Wasserli trinke,
Wasserli wott nit Fürli lösche,
Fürli wott nit Bengeli brenne,
Bengeli wott nit Hündli prügge,
Hündli wott nit Joggeli bisse,
Joggeli wott nit Bireli schüttle,
d'Bireli wend nit falle.

Da geit d'r Meister selber us,
Geit, go räsonnire :
Metzger wott jetzt Chälbli steche,
Chälbli wott jetzt Wasserli trinke,
Wasserli wott jetzt Fürli lösche,
Fürli wott jetzt Bengeli brenne,
Bengeli wott jetzt Hündli prügge,
Hündli wott jetzt Joggeli bisse,
Joggeli wott jetzt Bireli schüttle :
Jetzt wei d'Bireli falle.